

治及宗教問題 2 改單他人 二稿件須隨原稿送交編輯部  
註明門類年級 三稿件之登出與否何時登出及如何登載概由本報編輯部酌量辦理  
日刊遇有必須時得將原稿略為刪改總期不失原意 五稿件無論登出與否除特別  
申明者外概不退還

# 北京大學日刊

號五十九百一第

枚一元銅份每

編輯部 北京後門內景山東街馬神廟北京大學內  
經理部 電話東局一千零七十二號  
在暑假期 假定在暑假期內除星期日外日出一張遇必要時得暫  
內之辦法 時停刊一日或數日

經公佈印品爲要無多不備如蒙惠顧請向本報接洽是爲至盼

## 北京大學法科出版部廣告

書名

經濟財政時論選錄(英文)

王健祖

定價

二冊現大洋壹元八角

二冊現大洋壹元五角

一冊銅元十四枚

一冊現大洋貳角七分

一冊銅元四十二枚

一冊銅元十三枚

一冊銅元玖枚

一冊銅元二十七枚

一冊銅元三十七枚

一冊銅元五十八枚

一冊銅元二十六枚

破產法草案  
票據法草案  
海船法草案  
商行爲草案  
德意志刑法草案  
公司條例

## 日刊啟事

下次之日刊於下星期二出版此告

## 本校布告

新取及本校預科升學各生務於九月二日起至九月七日止按照定章分赴各科教務處填寫願書及保證書以便上課此布

(一)查本校定章凡新生入校應填願書並須同切實保證人各機關委任以上人員或三等以上捐商號來校填寫保證書歷經辦理在案所有本屆以前親持收據來校領取可也此布

## 圖書館書目室啟事

頃承 蕭子先生捐贈本館 新法論三本 中國歷代法制史一本  
又承 蔡校長先生捐贈本館 丁未和會類要三本 民法要義一本

A Grammar of the Tibetan Language.  
A descriptive Catalogue of Sanscrit Manuscripts in the Government Collection.  
The Arya Dharma of Sakya Muni, Gautama, Buddha Buddhism in its relation With Hinduism.

除編號存館專函鳴謝外特此布告

## 圖書館書目室布告

### 本日新到各種雜誌如下

雜誌名目	卷數	號數	冊數
戊午周刊		10	2
實業淺說		159	1
全育與職業		160	1
教育公報		8	1
司法公報		92	1
言治		3	1
太平洋		10	1
山西教育公報		14	1
遠東時報		14	1
東方雜誌		15	1
教育雜誌		10	1
科學評論		3	1
大學		2	7

## 消費公社啟事

各科同學公鑒下年各科訂購書籍早由本社向外電購惟海上航情時虞變更以致到書有萬一愆期之事本社爲謀萬全起見特函呈 校長業蒙允許於未到書以前暫印講義以免曠誤即頌 公綏

## 本校紀事

### 西山紀遊

(四)

特約志希

西郊大學之先聲

蔡校長之計畫

孫教授之勤勞

北京建大學適宜之地歟惟西山吾前函



既述之矣。校長蔡公避暑碧雲寺遍遊各處，亦深感其「山巒峻偉，林泉清幽，迴非「衰草黃沙，馬嘶人語」之景。山東街所可幾及設遷大學於此地，不特於精神上可根本改革，即形式上亦可煥然一新。有清末葉，曾於德勝門外撥地一區為大學建校舍。民國四年，改用為模範團兵營。當時政府允本校請將來若須重建校舍，可在西山一帶撥地，備用後因戰雲瀰漫，遂停勘。今若重提，前議政府自無不同情。暑假中適逢工科教授孫瑞林先生住見心齋內，故蔡公即請孫先生就近勘測適宜地點。日內孫先生已偕工科同學陳君慧廖國器二君往測鬼子山。後因該地有他種關係，且難敷用，是以置之。今孫先生尚每日奔馳四面勘測，其熱心校務，良可感也。擇地既定，即可積極籌款從事建築。籌款之法，可分二途：（一）由政府特撥，（二）由私家自由捐助。並可於明年植樹節，先由同學全體前往該地植樹，以增美感。吾聞日本維新四十年，而東京帝國大學學科之高深建設之完備，已與世界各大學相頡頏。今我國自命為「四千年文明古國」而大學之完備，反不若人，此實我全國之深恥大辱也。吾更聞

上海青年會建築會所需款三十萬，不一月而集款逾半數。想我北京大學將來為改建募款，必能較青年會更踴躍也。吾願吾政府社會知大學教育之不可緩熱心贊助，曲與成全。則我教授職員學生亦當砥礪奮發，使北京大學之聲譽日隆也。

### ▲世界圖書館之發起

七月九日午後四時，本校編譯會開茶話會，歡迎商務印書館總經理張菊生先生。是日蔡校長及本校講師李石曾君提出創辦「世界圖書館」議案，因請張先生於午後二時到校，並約本校圖書館主任李守常君及京師圖書館遷移午門籌備員陳仲騫君到校會議。本校胡適之沈尹默朱逸之錢玄同馬幼漁諸教授皆在座。提議後，全體贊成。張先生遂函告上海商務印書館，頃已得來函贊同。擬由華法教育會報告于巴黎會所，積極進行。大約半年以內，此事當有成議矣。今揭載蔡李二君議案及商務印書館復函如左：

#### 創辦「世界圖書館」議

（一）提議與發起 民國五年夏，由華法教育會提議創辦中文圖書館于法國，法文圖書館于中國，擴而充之，為中西各國文字圖書館。此意曾向 黎數大書店商

權，均認為可行。民國七年夏，向商務印書館提議，亦認為可行。即當合中西各團體發起「世界圖書館」，並組織臨時辦事機關，預備進行。先從中國世界圖書館之法文部，與法國之中國圖書館著手。

（二）辦法 由中西各書館，仿照西方習慣，每出一書，送圖書館以樣本之意。每出較為一重要之書，互相交換二冊，以成中國法國之圖書館。收集書件，在中國由商務印書館為總機關。在法國以巴黎華法教育會為總機關。中文書各二冊，分置于巴黎里昂（或北京）法文書各二冊，分置于北京上海。與他國交換之書，亦略仿此意。于圖書館外並設售書機關，在中國以商務印書館為總機關，在歐洲以中國印字局為總機關，即以圖書館所存之書為樣本。

（三）試辦 先于北京組織試辦機關，擬定條件，並徵求法國書業之同意。俟經商定，即行徵集圖書。一俟戰事告終，即交換運送。運書經費及圖書館房舍，亦均由試辦機關籌畫之。交換售書事，亦同時籌辦。俟中法兩處圖書館均有頭緒，即仿此辦法，推及于他種文字之圖書。

### （四）世界圖書館之完全組織：

中國  
甲 北京圖書館 法比圖書館 各有一  
乙 上海圖書館 英美圖書館 主任經  
內 巴黎 中文  
丁 里昂（或北京）同上  
英美德各處亦各設一中文圖書館。

### ▲商務印書館來函

石曾先生均鑒：遠蒙教益瞻仰維殷。日前接敝公司張菊生先生來函，述悉兩先生及北京華法教育會諸君於七月九日約商組織世界圖書館事，具承盛旨，欽佩莫名。諸公囑敝公司凡有出版新書，每種以兩部送至法國巴黎里昂之圖書館，謀便華僑閱覽及購取起見，詳當遵辦。惟不屬新書或不甚合宜者，擬不致送。其在他家出版之書，照現在本國書店情形，敝館認為有價值者，亦可由敝公司照購兩部，送與法國以為棉薄之助。又承詢將來法國送與我國之書，一律交至敝館應如何陳列，以便學界展覽。亦經菊翁與諸公商定，以一份轉交北京陳列於北京大學圖書館，每份均粘貼一紙，載明由法國某店所送。如願採購，可囑北京商務印書館代辦。字樣其餘一份則暫行陳列於上海敝總公司，俟有適當之公立圖書館成立時再



行移交至法國各書店在中國販售之事亦由貴會介紹敝館與之接洽將來法國辦妥即可推之英美戰事告終並可推之於德國此尤仰見兩先生倡導文明之盛敬聞之下無不贊同附到貴會另紙開示創辦世界圖書館各節一併讀悉實不勝欣企之至專肅布陳敬頌公安伏希亮察

上海商務印書館有限公司謹啟

七年八月一日

▲北京大學附設巴斯德學院 Institut Pasteur 議 李石曾

巴黎巴斯德學院為法國化學家巴斯德所創設當時學者與慈善家多助之以成私立研究高深學問之團體政府對於此院「認為公益團體」多予補助而不統轄蓋欲學問機關純為專家經理而不妨礙其發展之自由也雖然此院與國立大學亦固有密切之關係則巴黎理科與醫科大學均不另自設備即借用巴斯德學院所有之機關舉例如下  
(一)理科有生物化學一科本應設于理科大學以巴斯德學院關於此種組織精善大學遂不另設即附設其中亦即以巴斯德學院生物化學部主任為大學生物

化學教員

(一)醫科中微生物學本極重要惟此科為晚出之新學為舊日課程所無現在亦即不另設此等專科而醫學畢業者恆更入巴斯德學院專習微生物學

巴斯德學院非僅一處亦與各省各國皆相聯絡法國外省有巴斯德學院歐美各國亦多有巴斯德學院同一名稱同一組織至其中學者亦不限定國界巴黎之巴斯德學院亦有各國學者為主要之教員及組織人他國巴黎巴斯德學院亦多用人且更有旅行之學者如巴黎巴斯德學院之學者至他國巴斯德學院研究其地之一種新問題同時即致力其處之學院俟研究畢再返法國如是者常常有之

巴斯德學院與各種學術之關係略可舉為四類

- (一)哲學的 如生物學哲理突生之問題
- (二)科學的 如生物化學及微生物與變精之作用
- (三)醫學的 如各種傳染病之研究與治療
- (四)農學的 如酒乳等發酵物之研究

與應用

統言之則可分為微生物學生物化學兩大部分故巴黎巴斯德學院之建設亦分此兩大部也

以上為巴黎及各處巴斯德學院普通情形此種機關極應需要中國亦必不可缺提議創辦此院者有兩部分

(一)民國紀元前中國醫家屈永秋君法國醫家某君曾有此議且巴黎之巴斯德學院曾贈儀器若干箱法國某慈善家欲助巨款後因辛亥以後政爭疊起繼以歐戰事遂中輟

(二)夏堅仲吳應乾李石曾三君及法國醫家貝熙業君先後曾與巴黎巴斯德學院商請助設同類之組織于北京近復與法公使談及均願助力

此院之發起最好由中國出地基房舍巴黎巴斯德學院贈給儀器更由中法兩國合集資本為之經費

房舍恐一時不易得其相宜者可先附設于北京大學學院之性質與在巴黎略同為獨立之機關其與大學之關係亦可略同北京大學本將設生物學諸科其中之「微生物學」「生物化學」等科即可利用巴斯德學院之建設亦由大學補助一款

是大學與巴斯德學院義務權利互有交換與巴黎大學及巴斯德學院之關係亦略相同此種辦法于雙方皆有利費用費較省且可得專精之人材否則專賴北京大學或巴黎巴斯德學院之力均恐不易成完備之組織也

雜錄

▲中國美術 (第二冊)

(續)

英國布綬爾著

英文學門研究員 戴嶽譯

以下二圖示華麗之禮帽二乃京朝滿人貴婦所戴者也其在百零八圖者為金屬製成之格子花紋黑絹裏之外鑲葉狀綵邊其上架以金絲製成之格子花帶前面彎曲而頂平圓作圓牌狀花帶圓牌上皆渡金填翠嵌以玉石珠寶珊瑚等物以肖蝙蝠仙桃花葉之形百零八圖之鳳冠千八百六十年時得於圓明園中冠上有仙人花草蝴蝶昆虫之像皆用金銀絲條構成飾以翠羽綴以珠旒紛披顛舞其上  
一百十圖所示者為一奇形殊製之瓶今述之以結此短篇瓶由銀製鍍金飾玉外



附金銀絲套。用光亮瑯瑯成花朵。瓶之口狀如荷花。蓋瓣可以啟閉。瓶之基似踏沙足。一面刻花草。緣邊起畦紋。觀其體製。似爲貯桂花或茉莉花之用者。蓋中國人喜用瓶貯花。置於案前。令室中芳香。又有金銀所製細瓶。結構精巧。內貯鮮花或麝香。繫於腰帶之間。

第十二篇 織物組織

就織物二字之廣義以言。則凡一切機杼織成之物。無不其材料若何。皆包括之。而中國織物之最重要者。首推蠶絲。婦女以養蠶爲其天職。所養之蠶。除用桑在家中喂養者外。又有散於樹林中吃樹葉之野蠶。其法發明甚早。據其國人所言。則紀元前三千年前時。黃帝有妃西陵氏者。即發明斯術。又謂機杼亦其創作。故後世祀爲蠶神。今其國中帝后。猶於每歲仲春。親採桑以祭於壇前。而皇帝則親耕藉田以爲國人先。無非爲提倡國人務農重桑之至意云。

蠶絲首由陸路輸入歐洲。中國之名。亦因此而始傳至泰西。中國之所謂絲。高麗人名曰織兒。及傳至希臘。乃一變而爲 silk。故希臘人稱中國人曰 Seric。稱絲曰 sericeum。此拉丁文 Sericum 及

英文 silk 之名稱所由來也。蠶之名始見於亞里士多得文集中。而西方諸國。能取中國生絲自織爲薄絨者。則始於小亞細亞附近之赫斯。小島中人。昔中國人始外人之分其蠶利也。常秘其法。不以告人。相傳耶穌紀元初。有中國公主藏蠶子於冠中。走至亞坦。此爲養蠶輸入外國之始。自是遂漸傳至印度。波斯至紀元後五百五十年。有東羅馬教士居中國多年。於蠶絲繅絲織絹諸法。盡得其秘。乃藏蠶子於竹筒中而歸。此爲蠶子輸入君士坦丁之始。其時正價東羅馬帝入斯底尼安在位之秋也。

織錦法之創自中國。亦可確信無疑。三世紀末。即有教士的尼西皮銳 Dionysius Petau 者。謂中國人善製珍貴之章服。其色鮮麗如花。其織工之精緻。可與蜘蛛精巧云。

錦之經緯。皆爲精絲。當其初輸入歐洲時。君士坦丁人見其花樣猶如模製。乃稱曰「大也勃兒」。大也勃兒之本義爲同形之花樣。同樣置於表

面之。然自十二世紀後。大馬斯克 (Muscovy) 以織花緞著名。由是大馬斯克 (Muscovy) 之名。乃常見于歐商。凡緞之奇花繁縟者。無論其織于何處。皆稱曰大馬斯克。即

來自中國之錦。亦以斯名名之。惟中國人則自稱之爲錦。其字由金帛二文合成。蓋云此物之成。費功甚多。其價可等黃金也。其針刺之花。則中國人名曰繡。其花由彩色絲絨編成。或雜以金銀細絲。

中國人織錦。亦雜以金絲。多用細長金絲。纏繞蠶絲中織成。古時繡花亦用此法。惟其光輝之金絲銅絲。似於絹已織成後縫補其間者。今之繡花。用金銀絲最多。官吏補服上所繡之奇鳥怪獸。藉以區別等級者。皆用金銀絲編成。故堅硬光耀。猶如金屬板。

錦繡之畫式樣甚多。而其原則可溯之於上古。若細言其源流變遷。則幾可統色中國之一切美術。蓋此類花樣之施于絲絹上者。不過爲其最重要之一部分耳。他種物品。亦嘗飾以此等花樣。如瓷器及金屬瑱瑱器上之緞花地。錦紋花邊。及葉幅牌形之花。皆模自錦繡者也。故論瓷器者。所言之花樣名稱。亦多冠以錦繡緞綾等樣。據中國畫書中所云。則明代瓷器上之花樣。模自古時錦繡上者。不下三分之二。其餘三分之一。則或繪寫天然物象。或模仿古銅器上之圖形。即今之瓷器。其彩繪式之仿諸錦繡者。猶有十分之一云。中國旌

旗章服上之畫像。古書中屢言之。最常見者爲十二章。繡於祭服之上。其名稱見諸書經。乃古帝虞舜匯集昔人所作之服飾。而制爲定典者也。凡天子之服。十二章全備。至日月星辰。雖公爵亦不得用。侯伯且禁用山龍。子男以下。則以次遞改減。所以表示貴賤而辨等級也。十二章之圖像。宋儒曾釋明之。如左。

一曰 彩雲護之。日中有三足鳥。  
二月 月面繪玉兔搗藥之狀。  
三星晨 三星並列。直線聯之。  
四山 未有歷史之前。中國人即崇拜山神。

五龍 五爪龍一對。身被鱗甲。神話時代之怪物也。

六華蟲 彩羽野雉一對。

七宗彝 宗廟祭器。繪虎雖各一對。

八藻 叢生水草。

九火 爲光焰輝發之狀。

十粉米 粉若粟冰。米若聚米。

十一黼 戰士兵器。如斧形。半黑半白。

十二黻 禮服刺繡之文。半青半黑。如兩已相背形。今人俗稱刺繡亦曰黻。

(未完)